



գտանի նոյնպէս ծով, ուր և նորին գերապատուութիւնն կարէ զիմեւ ի լողանալ անդ ի ծովային ջուրս և լուանալ զգլուխ իւր հանապաղ, իսկ եթէ հարկ անհրաժեշտ պահանջէ գնալ ըստ խորհրդոց բժշկաց ի ծովային ջուրս Խրիմու, յայն դէպս Սինօղս ըստ խնդրանաց նորա թոյլատրէ նմա գնալ անդր ծախուք իւրովք:

Ի 25 յունիսի 1879 ամի. Առ ներկայ յայտարարագիր Առաջնորդին Վարուց տալ զիտել, զի նորին գերապատուութիւն պարտ էր ունել զփոյթ գրաւել զլիշեալ եկեղեցին իսկզբան անդ տիրապետութեանն. իսկ զարդիս համարելով բնաւ տարադէպ իմն առնել ըստ այնմ զոր և իցէ առաջարկութիւնն, զգուշացուցանել միանգամայն զնորին սրբազնութիւնն ի սոյնպիսի կարեւորագոյն խնդիրս լինել առ յապայն արի և աշալուրջ զի մի իրաւունք եկեղեցւոյն անցցին ի կորուստ:

Ի 25 յունիսի 1879 ամի. Ըստ որում զներքին բարեկարգութիւն Սանահնոյ և գտնալ ի նմին վանական զպրոցին պարտականութիւն է հոգալ թեմական տեսչութեան, ուստի և պատուիրել Վոնսիստորին, զի եթէ գտանէ փոխադրութիւն անդր Գեղամ արեղայի և կարգումն նորա ի պաշտօն ուսուցչութեան անյարմար, կարէ ապաքէն տնօրինել, զոր ըստ իւրումն նկատողութեան ծանիցէ յաւէտ յարմարաւոր յօգուտ վանուցն և զպրոցին:

Ի 25 յունիսի 1879 ամի. Զխնդրագիր կառավարչի Սուրբ Խաչ վանուց Նոր - Նախիջևանի, Յովհաննիսի Պօպեան և զբացատրութիւն ընդդէմ այնր տնտեսական կառավարութեան վանուցն առաքել առ գերապատուառաջնորդ թեմին Մակար Արքեպիսկոպոսն, յանձնել նմա առնել զճիշտ վերահասութիւն հանգամանաց բացատրելոց ի նոսին, և ըստ մերձաւոր նկատողութեան իւրում տնօրինել զպատշաճն որ ինչ վերաբերի օգտի և միանգամայն վանական զպրոցին:

Ի 25 յունիսի 1879 ամի. Որովհետեւ առաջարկութիւն նորին գերապատուութեան Առաջնորդին Աստրախանայ է տարօրինակ իմն և հակառակ կանոնաց Հայաստանեայց սուրբ եկեղեցւոյ, ըստ որոց պսակն անլուծանելի է ցորչափ կենդանի իցէ մինն յամուսնացելոց անտի, ուստի թողլով զայն առանց հետեանաց, յաւելաւ ի զիտութիւն նորին գերապատուութեան թէ նա, ըստ իւրումն կոչման և պարտաւորութեան պարտէր անդէն անդ բացասել նմին, յորդորելով միանգամայն զամուսնացեալսն տանել համբերութեամբ ձախողակ զիպուածոց ամուսնական կենաց ըստ անդրդելի խոստման իւրեանց առաջի սրբոյ սեղանոյն և մի՛ առնել բնաւ զայսպիսի անտեղի առաջարկութիւնս հակառակ մտաց եկեղեցական օրինաց և ամուսնական պարտուց:

Ի 25 յունիսի 1879 ամի. Ունելով ի նկատի, զի Յարութիւն քահանայն Սհարէկեան առանց լուծման հոգեւոր իշխանութեան և կանխագէտ լիալ չհասական աստիճանի ազգականութեան ընդ մէջ Միքայէլի Մայիլեան և Սօնազիլի Մովսիսեան, վստահացեալ է դնել ի վերայ նոցա զպսակ հակառակ օրինաց և կանոնաց Հայաստանեայց եկեղեցւոյ ակնարկմամբ:

յանդգնօրէն ի կարգընկեցութիւն իւր ուստի ենթարկել զնա երկամեայ ապաշխարանաց ի վանս Սաղիանու առ ի քաւել անդ զյանցանս իւր պահօք և աղօթիւք և յետ լրանալոյ սահմանեալ միջոցին ապաշխարանացն պարտաւորել զնա յատենի Առնսիստորին ստորագրութեամբ, զի մի՛ ևս վստահասցի առնել զայնպիսի տարականոն գործս, երկնչելով ի խստագոյն պատժապարտութենէ և ապա թողատրել նմա հովուել զժողովուրդ իւր իսկ զարդիւնս ծխոց նորա յընթացս ժամանակի ապաշխարութեանն քաժանել յիրիս հաւասար մասունս, զմինն յատկացուցանել ի գանձարանն Առնսիստորին, զերկրորդն ի տեղի նորա հովուող քահանային և զերրորդն ի նպաստ ընտանեաց յիշեալ պատժապարտեալ քահանային և զպսակեալն զնել ի ներքոյ ԱՕ օրեայ ապաշխարանաց որպէս զի պահօք և աղօթիւք մաքրեսցնել զխիղճ իւրեանց և ապա միասցին ամուսնական պարտաւորութեամբ, Իսկ եզրակացութիւն Առնսիստորին որ վասն յանդիմանութեան ներսէս քահանայի Տէր Բաղդասարեան թողուլ յիւրումն զօրութեան, Չայսմանէ հրամանագրել կոնսիստորիային Շամսիւղ Վասն պարտապատշաճ տնօրէնութեան պատուիրելով զկատարմանէ ծանուցանել Սինօդիս ի ժամունս:

Ի 25 յունիսի 1879 ամի. Յանձնել վերատեսչի ծխական երկսեռ զպրոցաց Հայոց Վաղարշապատու բարեշնորհ Խորէն վարդապետի Սանիանէ հրաւիրել զժողովրդականս տեղւոյն և առաջադրել նոցա զի նոքա ընտրեսցնել ի միջոյ իւրեանց զհարկաւորեալ թիւ պատգամաւորաց, որոց և տալ զիրաւունս յիւրեանց կողմանէ ժողովել և ընտրել զնոր հոգաբարձուս տղայոց զըպրոցին և զընտրողական թուղթն նորընտիր հոգաբարձուացն ստորագրութեամբ ընտրողացն մատուցանել ի հաստատութիւն Աւհաբառ Աթուղիկոսի ամենայն Հայոց, Իսկ զարարեալ ծառայութիւնս հին հոգաբարձուաց յօգուտ զպրոցին ըստ կոնդակի նորին Սրբութեան յընթացս եօթն ամաց մուծանել ի ցուցակս ծառայութեանց նոցին վասն տեղեկութեան և ապագայ հարկաւորութեան:

Ի 25 յունիսի 1879 ամի. Որովհետեւ հաւաստի է Սինօդս, զի Սահառունեան Իսահակ աւագ քահանայն ի պատճառս զառամութեան զժուարանայ կատարել զքահանայական պարտաւորութիւն և ընդ նմին բաւական համարելով զվեցամեայ ապաշխարանս եղեալս ի վերայ Յովհաննէս աւագ քահանային Թէմուրազեան, հրամանագրել Առնսիստորին Վրաստանի զԹէմուրազեան քահանայն ըստ տնօրէնութեան Սինօդիս թողուլ յօգնականութեան զառամեալ Սահառունեան աւագ քահանային, ընդ նմին և խոյս կալ միանգամայն ի փոխադրութենէ քահանայից, որոյ վասն Սինօդս քանի՞ քանիցս կրկնեալ է նմին:

Ի 27 յունիսի 1879 ամի. Որովհետեւ բարձումն անպատշաճ պատկերաց յեկեղեցւոյն Սարուշէն գեղջ վիճակին Վարաբաղու լեալ է տնօրէնութեամբ փոխանորդին և ըստ հաւաստութեան նորին բանք զընթացից նոյն քահանային նս զըպարտութիւն յառաջացեալ ի հարասէր զրդմանց, վասնորոյ

զինդրագիր Սարուշէնցւոց թողուլ ատանց հետեանաց, զորմէ և ծանուցանել նոցա միջոցաւ Կոնսիստորին Ղարարադու:

Ի 27 յունիսի 1879 ամի. Առ ներկայ գրութիւն Նահանգապետին Ելիսաւէտապօլու ծանուցանել վանահօրն վանուց Որոտնայ վասն տեղեկութեան, իսկ ի Նահանգապետէն վերստին ինդրել առնել զիւրն տնօրէնութիւն յատկացուցանել տալով զյիշատակեալ որքանութիւն գիտնոյն (30 դեսնատին) ի կառավարութիւն վանուցն, և զհետեանացն կարգադրութեանն իւրոյ յայտ առնել Սինօղիս վասն տեղեկութեան:

Ի 27 յունիսի 1879 ամի. Համաձայն մակագրութեան Վեհափառ Կաթողիկոսի վերադարձուցմամբ վեցեսին Կոնդակաց տուեղոց յերջանկայիշատակ Մատթէոս Կաթողիկոսէ և ի ներկայ Վեհափառ Հայրապետէ, և զվկայականն տուեալն ի Տեղապահ Ղուկաս Արքեպիսկոպոսէ պատուիրել Հոգեւոր կառավարութեանն Նախիջևանու կոչեալ յատեան իւր զԹագէոս քահանայ Տէր Գասպարեան և զՄկրտիչ քահանայ Սարգսեան, և յանձնել նոցա զկոնդակս և թոյլատրել կրել զպարգևսն ի նշանակեալ աւուրս:

Ի 27 յունիսի 1879 ամի. Համաձայն խնդրոյ Գաբրիէլ քահանայի Զիւանեան պատուիրել Կոնսիստորիային Հայոց Տփլիսու հաստատել զնա միարան յեկեղեցւոջ Նորաշինու Սուրբ Աստուածածնի եկեղեցւոյն տեղւոյն, յանձնելով նմա ի հովուութիւն և զժողովրդականս հանգուցեալ Սրապիօն աւագ քահանայի որպէս և արդէն տնօրինեալ է Կոնսիստորիային:

Ի 27 յունիսի 1879 ամի. Առ ի կարճելոյ զանբաւականութիւն քահանայից զմիմեանց և չալ տեղի գայթակղութեան ժողովրդեան հրամանագրել հոգեւոր կառավարութեան Տաթևու պարտաւորել զՍիմօն քահանայ Փիթումեան չմերձենալ բնաւ ի հովուութիւն ժողովրդեան Շինուհայրու, այլ միայն բաւականանալ հովուութեամբ ժողովրդեան Երեցաթումբ գեղջ, յորոյ վերայ և ձեռնադրեալն է, իսկ զժողովուրդն Շինուհայրու հաւաքարապէս բաժանել ընդ մէջ Հայրապետ և Յակոբ քահանայից տեղւոյն: